

## **STATUT DHE AKT THEMELIMI**

**I SHOQERISE “WIP” SH.P.K.**

### **KAPITULLI I**

#### **DISPOZITA TE PERGJITHSHME**

Sot në Tiranë, më datë 29.09.2020, në mbështetje të ligjit nr. 9901, datë 14.04.2008 “Për tregëtarët dhe shoqëritë tregtare” dhe Ligjt nr. 9723, datë 03.05.2007 “ Për Qendren Kombëtare të Rregjistrimit” që rregullojnë marrëdhëniet tregtare dhe funksionimin e shoqërive, personat e mëposhtëm:

- **Erisa Mickaj**, lindur më 11.06.1990 në Përmet, Shqipëri, me zotësi të plotë juridike për të vepruar, identifikuar nëpërmjet Pashaportës me Nr. BF1283884 dhe Nr. Personal J05611053N.
- **Endri Pano**, lindur me 02.08.1985 në Tiranë, Shqipëri, me zotësi të plotë juridike për të vepruar, identifikuar nëpërmjet Pashaportës me Nr. BE6347445 dhe Nr. Personal I50802062N.

me cilësinë e ortakëve themelues, hartuan këtë statut të Shoqërisë tregtare “WIP” SH.P.K.

### **KREU I**

#### **OBJEKTI, EMERTIMI, SELIA, REGJIMI JURIDIK, AFATET**

Shoqëria “WIP” SH.P.K, nëpërmjet këtij Statuti, në përputhje me Aktin e Themelimit për krijimin e saj, bazuar në legjislacionin shqiptar në fuqi, rregullon gjendjen juridike të shoqërisë, marrëdhëniet e saj me të tretët, të dhënat me rendësi për pozitën juridike të ortakëve në raport me shoqërinë dhe të tretët, organet drejtuese dhe kompetencat e tyre, organizimin dhe objektin e veprimtarisë së shoqërisë, si dhe çështje të tjera me rendësi për mbarëvajtjen e Shoqërisë “WIP” SH.P.K. Çdo çështje që nuk është shprehimisht e trajtuar në ketë Statut, do të interpretohet në përputhje me frymën e tij, nisur nga parimet e mirëbesimit, bashkëpunimit dhe interesit reciprok të ortakëve të shoqërisë.

### **NENI 1**

#### **OBJEKTI I SHOQERISE**

**1.1.** Objekti i veprimtarisë së shoqërisë në përputhje me legjislacionin shqiptar do të jetë:

- Ofrimi i sherbimeve grafike, dizajnim, editori, dizajnim faqe web, grafike multimediale, fushata promocionale prodhimesh, fushata sociale, packaging, reklama, ilustrime, broshura, katalogje elektronike dhe aktivitete te tjera ne fushen e grafikes, dizajnim realizime mediatike dhe marredhenie me publikun, organizim eventesh, tregti materiale per organizim eventesh ndriçim, foni, dekorime, konsulence per organizim eventesh, ide



per marketing dhe te gjitha aktivitetet e tjera financiare te lidhura me permbushjen e objektit te shoqerise. Agjensi publicitare, marketing, blerje ne media, planifikim buxheti mediatik, konsulencë ne fushen mediatike, organizim dhe drejtim te aktiviteve promocionale dhe reklamuese, organizim dhe financim/sponsorizim i eveneteve të ndryshme. Ne perputhje me legjisacionin shqiptar, ne menyre qe te arrihet qëllimi i siperpermendur, shoqeria mund: Te kryej cdo aktivitet publikimi tregtar, finanziar , dhenie - marrje me qira, te vendosë pengje dhe barrë hipotekore; aktivitete keto të konsideruara si te dobishme apo te nevojshme per të arritur qellimin e shoqerise dhe që nuk tejkalojnë ne mase aktivitetet kryesore, te siperçituara. - Te kryej aktivitete publikimi dhe reklamimi. Shoqeria kryen cdo lloj aktiviteti qe ben pjese ne objektin e saj që lidhen me të dhe qe e mbeshtet ate. Sherbime monitorimi te medias dhe analiza mediatike. Konsulence ne menaxhim dhe administrim. Konsulence ne plane biznesi profesionale, planifikim finanziar, analize konkurrence. Konsulence ne fushen e marketingut per zhvillim tregu dhe rritje te shitjeve. Konsulence ne zhvillime te produkteve dhe sherbimeve. Konsulence per Web Zhvillim, Internet Marketing, IT Services. Dizenjim software-i, zhvillim dhe mirëmbajtje sistemesh software, testim software.

- Cdo aktivitet tjetër biznesi i cili nuk ështe i ndaluar nga ligji i zbatueshem ne Republikën e Shqiperise.

## NENI 2

### EMERTIMI DHE SELIA JURIDIKE E SHOQERISE

- 2.1. Emërtimi i Shoqërisë është **“WIP” SH.P.K.**
- 2.2. Selia juridike e Shoqërisë ndodhet në adresën: **Rruga Sami Frasheri Godina Nr 56, Kompleksi TID, Njesia administrative nr 5, Shkalla A, Tiranë, Shqipëri**
- 2.3. Shoqëria mund te krijoje filiale, zyra përfaqësimi e agjenci në qytete të tjera të Shqipërisë ose jashtë vendit.
- 2.4. Adresa e ortakëve në marrëdhëni me Shoqërinë do te jete ajo që rezulton e shënuar në librin e Shoqërisë.

## NENI 3

### REGJIMI JURIDIK

- 3.1. Forma juridike e shoqërisë është **shoqëri me përgjegjësi të kufizuar**. Veprimtaria e saj i nënshtrohet dispozitave të Aktit të Themelimit, Statutit, si dhe legjisacionit në fuqi. Ligji i aplikueshëm për zgjidhjen e çdo mosmarrëveshje eventuale qe lind gjate aktivitetit të shoqërisë është ligji shqiptar.



- 3.2.** Kompetente për zgjidhjen e mosmarrëveshjeve të parashikuara në paragrafin e mësipërm është Gjykata e Rrethit Gjyqësor Tiranë.
- 3.3.** Me vendim unanim, Ortakët mund të ndryshojnë regjinjurin juridik të Shoqërisë, në qoftë se në të ardhmen krijohen premisa më të favorshme përfunksionimin e saj.
- 3.4.** Shoqëria gjëzon personalitet juridik nga data e regjistrimit të saj në Qendrën Kombëtare të Biznesit.

**NENI 4**  
**KOHEZGJATJA**

- 4.1.** Kohëzgjatja e veprimtarisë së Shoqërisë “WIP” SH.P.K. është e pakufizuar. Ortakët kanë të drejtë të kufizojnë ketë afat duke zbatuar procedurat për ndryshimin e Statutit.

**KREU II**  
**ORGANET DREJTUESE, MARRJA E VENDIMEVE, ADMINISTRIMI DHE KONTROLLI I SHOQERISE,  
EKSPERTET**

**NENI 5**  
**ORGANET DREJTUESE**

Organet drejtuese të Shoqërisë tregtare “WIP” SH.P.K. janë:

- 1) Asambleja e Përgjithshme**, i cili është organi me i lartë vendim marrës.
- 2) Administratori i Shoqërisë**, që caktohet nga Asambleja e Përgjithshme.

**NENI 6**  
**MARRJA E VENDIMEVE**

- 6.1.** Asambleja, rregullisht e thirrur dhe e përberë prej ortakëve të shoqërisë, përfaqëson vullnetin e ortakëve. Vendimet e marra prej saj, për sa kohe që janë të vlefshme në përputhje me ligjin dhe me ketë statut, detyrojnë të gjithë anëtaret e asamblesë edhe pse jo të pranishëm dhe jo dakord.
- 6.2.** Çdo ortak ka të drejtë të marrë pjesë në mbledhjet e asamblesë personalisht dhe disponon një numër votash të barabarta me pjesët e kapitalit themeltar që ai zotëron. Çdo ortak ka të drejtë të përfaqësohet në Asamble nga persona të tretë duke u lëshuar atyre prokurë të posaçme për çdo mbledhje të asamblesë.

- 6.3.** Vendimet, në mungesë të prezencës së ortakëve, mund të merren pas konsultimit me shkrim të tyre, në rast se të gjithë ortakët miratojnë me shkrim përmbajtjen e konsultimit. Në këtë rast zbatohen procedurat e përcaktuara nga ligji tregtar.
- 6.4.** Ortaket lajmërohen për zhvillimin e mbledhjes së Asamblesë me shkresë apo me mesazh elektronik, i cili duhet të përmbaje vendin, datën, orën e mbledhjes dhe rendin e ditës jo më vonë se 7 dite përpëra datës së mbledhjes.
- 6.5.** Mbledhja e asamblesë mund te thirret nga Administratori i shoqërisë, nga një ose disa prej ortakëve të shoqërisë që zotërojnë të paktën 5% të pjesëve të kapitalit themeltar.
- 6.6.** Çdo mbledhje e asamblesë e thirrur në mënyre të parregullt, mund të anulohet. Anulimi nuk ka vlerë, në rast se të gjithë ortaket janë të pranishëm ose të përfaqësuar.

#### NENI 7

#### KOMPETENCAT E ASAMBLESE SE PERGJITHSHME

- 7.1** Asambleja e përgjithshme, përveç të tjerave, është i vetmi organ që vendos për:
- emërimin ose shkarkimin e administratoreve, eksperteve kontabël të autorizuar dhe likuiduesve;
  - përcaktimin e shpërblimeve për administratorin, ekspertin kontabël dhe likuiduesve;
  - përcaktimin e politikave tregtare të shoqërisë;
  - mbikëqyrjen e zbatimit të politikave tregtare nga administratoret, përfshire përgatitjen e pasqyrave financiare vjetore dhe të raporteve të ecurisë së veprimtarisë;
  - miratimin e raporteve të administrimit dhe të kontrollit;
  - miratimin e llogarive vjetore, disponimin e fitimit, etj;
  - ndryshimet e statutit;
  - zmadhimin apo zvogëlimin e kapitalit themeltar;
  - pjesëtimin e kuotave dhe anulimin e tyre;
  - përfaqësimin e shoqërisë në Gjykatë dhe në procedimet e tjera ndaj administratoreve;
  - riorganizimin dhe prishjen e shoqërisë;
  - miratimin e rregullave proceduralë të mbledhjeve të asamblesë;
  - transferimin e pjesëve të kapitalit themeltar tek të tretët;
  - zgjatjen e kohës së veprimtarisë së shoqërisë apo prishjen e saj dhe kalimin në proces likuidimi;
  - shndërrimin e shoqërisë me përgjegjësi të kufizuar në forma të tjera;
  - etj.

#### NENI 8

#### KUORUMI

- 8.1.** Asambleja e Përgjithshme mund të marre vendime të vlefshme në qoftë se janë të pranishëm ose të përfaqësuar një ose disa ortake që zoterojnë mbi 30% të pjesëve të kapitalit themeltar. Në rastet kur Asambleja e Përgjithshme duhet të vendosë për çështje si : *Ndryshimin e Statutit, Zmadhimin ose Zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë* ajo mund të marrë vendime të vlefshme vetëm nëse ortakët që zoterojnë më shumë se 50% të kapitalit janë të pranishëm.
- 8.2.** Në qoftë se mbledhja e Asamblesë së Përgjithshme nuk realizohet për mungese kuorumi, thirret mbledhja e dyte brenda 30 ditëve me të njëjtin rend. Edhe në ketë rast vendimet të vlefshme merren vetëm nëse është formalizuar kuorumi i nevojshëm në varësi të çështjes, rend dite.
- 8.3.** Ndryshimet e statutit, transferimi i pjesëve të kapitalit themeltar tek të tretet, zmadhimi apo zvogëlimi i kapitalit të regjistruar, shpërndarja e fitimeve riorganizimi apo prishja e shoqërisë dhe kalimi ne proces likuidimi, shndërrimi në një forme tjeter, vendosen në mbledhjen e asamblesë vetëm kur kuorumi i kërkuar përbehet nga të gjithë ortakët dhe vendos me  $\frac{3}{4}$  e votave të ortakëve pjesëmarrës ose ortakët që zoterojnë më shumë se  $\frac{1}{2}$  e votave sipas rastit.
- 8.4.** Asambleja drejtohet nga një anëtar i zgjedhur nga ortakët e pranishëm. Të gjitha vendimet e Asamblesë transkriptohen dhe ruhen në regjistrat e shoqërisë. Në rastet e përcaktuara me ligj, vendimet e asamblesë duhet të regjistrohen në Qendrën Kombëtare të Biznesit.

**NENI 9**  
**ADMINISTRATORI**

- 9.1.** Administratorë të shoqërisë “**WIP**” SH.P.K. do të jetë Z. Endri Pano i cili ka të drejtë të përfaqësoje shoqërinë në mënyre të pavarur dhe me tagra dhe kompetenca të plota.
- 9.2.** Afati i këtij mandati fillon me regjistrimin e këtij Statuti në Qendrën Kombëtare të Biznesit dhe vazhdon **5 vjet** me të drejtë rizgjedhjeje.

**NENI 10**  
**KOMPETENCAT E ADMINISTRATORIT**

- 10.1.** Administratori drejton gjithë veprimtarinë e Shoqërisë në pikëpamjen tekniko-organizative, ka të gjitha kompetencat për të vendosur në lidhje me aktivitetin e zakonshëm dhe të përditshëm të shoqërisë. Administratori gëzon të drejta të plota në vendim-marrje dhe gëzon kompetenca të plota, përvèç atyre që ky statut apo ligji ia njojin Asamblesë së Përgjithshme.
- 10.2.** Të Drejta dhe Detyrimet e Administratorit të shoqërisë:



- të kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- përfaqësojnë shoqërinë tregtare; kujdesen për mbajtjen e saktë e të rregullt të dokumenteve dhe të librave kontabël të shoqërisë;
- përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përparrë asamblesë së përgjithshme për miratim;
- krijojnë një sistem paralajmërimi në kohën e duhur për rrëthanat, që kërcënojnë mbarëvajtjen e veprimtarisë dhe ekzistencën e shoqërisë;
- kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- raportojnë përparrë asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- kryejnë detyra të tjera të përcaktuara në ligj dhe në statut.
- administratorët janë të detyruar të thërrasin asamblenë e përgjithshme per sa parashikon ky statut ose ligji.

### **NENI 11 EKSPERTEL KONTABEL TE AUTORIZUAR**

Në rast se Asambleja e Përgjithshme e gjuxon të arsyeshme ose nëse kërkohet në mënyre të shprehur nga ligji, kontrolli i shoqërisë kryhet nga një ekspert kontabël i autorizuar. Shkarkimi i ekspertit kontabël të autorizuar vendoset në të njëjtat kushte si dhe emërimi.

### **KREU III MJETET E SHOQERISE, KAPITALI THEMELTAR, KUOTAT**

#### **NENI 12**

#### **KAPITALI THEMELTAR**

- 12.1.** Kapitali themeltar i Shoqërisë “WIP” SH.P.K., është 100.000 Leke.
- 12.2.** Kapitali themeltar është i përberë nga 2 (dy) kuota me vlerë nominale si më poshtë:
- ZNJ. ERISA MICKAJ - 1 KUOTE TE BARABARTE ME 51.000 LEKE**
- Z. ENDRI PANI - 1 KUOTE TE BARABARTE ME 49.000 LEKE**

#### **OSE SHPREHUR NE PERQINDJE:**



<b>ZNJ.</b>	<b>ERISA MICKAJ</b>	<b>- 51 %</b>
<b>Z.</b>	<b>ENDRI PANQ</b>	<b>- 49%</b>

**NENI 13**  
**KUOTAT E KAPITALIT**

- 13.1.** Kuotat e kapitalit themeltar janë emërore dhe të transferueshme.
- 13.2.** Pjesët e kapitalit themeltar janë lirisht të transferueshme me rrugë trashëgimie, në rast ndarje pasurore mes bashkëshorteve dhe nëpërmjet paraardhësve dhe pasardhësve.
- 13.3.** Pjesët e kapitalit themeltar mund tu transferohen të tretëve vetëm me miratimin e shumicës së ortakëve që zotërojnë më shumë se 1/2 e pjesëve, në përputhje me nenin 17 të këtij statuti, duke respektuar të drejtën e parablerjes së ortakëve.

**NENI 14**  
**FONDET E SHOQERISE**

- 14.1.** Shoqëria kryen veprimtarinë e saj me mjetet e investuara në fondet e saj dhe me mjete të tjera. Ajo është e detyruar që vëllimin e punës së saj ta ushtrojë në vartësi me shumen e mjeteve të investuara në fondin themeltar të Shoqërisë dhe nga shuma e mjeteve të rezervës.  
Shoqëria përcakton fondet e mëposhtme :

  - 1. Fondin themeltar**
  - 2. Fondin Rezerve**

- 14.2.** Për ushtrimin e veprimtarisë së saj Shoqëria mund të përcaktoje dhe fonde të tjera.

**NENI 15**  
**FONDI THEMELTAR**

- 15.1.** Fondi themeltar formohet nga mjetet e investuara nga ortakët dhe nga mjetet e tjera në para ose në formë tjetër të investuara.
- 15.2.** Shoqëria shfrytëzon fondin themeltar për ushtrimin e veprimtarisë së saj, për investime ne fondet e personave të tjera juridike dhe fizike si dhe për të përballuar rreziqet pas shfrytëzimit të mjeteve të rezervës.
- 15.3.** Gjithashtu mund ti shfrytëzoje edhe për destinomë të tjera sipas interesit te shoqërisë.

**NENI 16**  
**FONDI REZERVE**



- 16.1.** Fondi rezerve i shoqërisë formohet nga një pjesë e fitimit që shoqëria realizon gjatë veprimtarisë së saj. Ai përcaktohet me një vendim të veçante të Asamblesë së Ortakëve Themelues. Fondi rezerve mund të përdoret edhe për destinacione të tjera që janë në përputhje me interesat e shoqërisë.

#### NENI 17

#### MENYRAT E TRANSFERIMIT TE KUOTAVE

- 17.1.** Transferimi (përfshirë shitje dhe ose dhurimin dhe ose cedimin dhe ose kalimin) inter vivos të kuotave të shoqërisë tek palë të treta i nënshtronhet të drejtës së parablerjes në favor të ortakëve të tjerë ekzistues, të cilët mund ta ushtrojnë këtë të drejtë sipas kushteve të parashikuara në nenin 17.2 më poshtë.
- 17.2.** Në rast se një ortak (në vijim i quajtur Ofruesi) kërkon të transferoj disa ose të gjitha kuotat ose kontributet e zotëruara prej tij në shoqëri, ortakët e tjerë (në vijim të quajtur Ortakët e tjerë) gëzojnë të drejtën e parablerjes mbi kuotat që ofrohen për transferim (në vijim të quajtura Kuotat e ofruara), sipas afateve dhe kushteve të mëposhtme:
- a. Ofruesi do tu dërgoj fillimisht ortakëve të tjerë ekzistues një njoftim me shkrim (postë rekomande) ku te përcaktohet numri i kuotave të ofruara, emrin e blerësit dhe kushtet e tjera kontraktuale të transferimit (në vijim referuar si oferta) duke ftuar së pari ortakët ekzistues të blejnë këto kuota të ofruara.
  - b. Ortakët e tjerë kanë të drejtë të blejnë kuotat e ofruara sipas kushteve të ofertës, në përpjesëtim me përqindjet e zotëruara duke i dërguar një njoftim me shkrim ofruesit brenda një afati 30 ditor pas marrjes së njoftimit të ofruesit me postë rekomande.
- 17.3.** Parashikimet sa më sipër nuk zbatohen në rastin kur kuotat transferohen ndërmjet ortakëve ekzistues.
- 17.4.** Asnjë nga ortakët nuk do të ketë të drejtën të transferojë ose të kaloj të drejtat dhe detyrimet e tij/të saj që rrjedhin nga ky statut, pa miratimin paraprak me shkrim të ortakëve të tjerë, miratim i cili nuk duhet të refuzohet pa arsyе.

#### KREU IV

#### VITI FINANCIAR, LLOGARITE VJETORE, NDARJA E FITIMEVE, DIVIDENTET

#### NENI 18

#### VITI FINANCIAR

- 18.1.** Çdo vit financiar fillon më 1 Janar dhe përfundon më 31 Dhjetor.
- 18.2.** Llogaritë vjetore, inventari, raportet mbi operacionet e viti financiar dhe raportet e veçanta të hartuara nga administratorët dhe eventualisht, nga eksperti kontabël i autorizuar, miratohen nga asambleja me shumicën e ortakëve që zoterojnë mbi 1/2 e kapitalit themeltar.
- 18.3.** Miratimi i dokumenteve mbi veprimtarinë vjetore bëhet brenda një afati të caktuar prej 6 muajsh nga data e mbylljes së viti financiar.

## **NENI 19**

### **LLOGARITE FINANCIARE**

- 19.1.** Në fund të çdo viti kalendarik duhet të hartohet një bilanc si dhe një llogaritje të fitimeve dhe humbjeve. Me ketë duhet të ngarkohen eksperte (këshilltare taksash revizore etj). Fitimi i shoqërisë ndahet si me poshtë:
- 19.2.** 5 % merren si rezerve ligjore në rezerva derisa janë arritur 20 % të kapitalit themeltar,
- 19.3.** Shuma e mbetur ndahet midis ortakëve sipas pjesëve të tyre në shoqëri.
- 19.4.** Forma e bilanceve dhe librave të llogarisë që do të mbajë shoqëria, përcaktohen nga Asambleja e Përgjithshme.

## **NENI 20**

### **DIVIDENTET**

- 20.1.** Pas miratimit të llogarive vjetore dhe evidentimit të ekzistencës së fitimeve, Asambleja e Përgjithshme përcakton pjesën qe u takon ortakëve në formën e dividendëve. Fitimi, që do të ndahet midis ortakëve, në proporcione pjesët e kapitalit themeltar, përbehet nga fitimi i viti financiar, të cilin i janë zbritur shumat e lëna mënjanë përfondin rezerve të domosdoshëm ( 5% e fitimit të çdo viti deri sa ky fond të arrijë vlerën e 1/5 e kapitalit themeltar) dhe nga ana tjetër i janë zbritur ose shtuar respektivisht humbjet apo fitimet e mbartura nga vitet e mëparshme.

## **KREU V**

### **KUFIZIMI I AFATIT, PRISHJA DHE LIKUIDIMI I SHOQERISE**

## **NENI 21**

### **NDRYSHIME TE AFATIT**

- 21.1.** Kufizimi apo zgjatja e afatit të aktivitetit të shoqërisë mund të vendoset nga Asambleja e Ortakëve me shumicën e ortakëve që zoterojnë mbi 1/2 e kapitalit themeltar.



**NENI 22**  
**PRISHJA E SHOQERISE**

- 22.1.** Shoqëria prishet në përputhje me kushtet e përcaktuara në ketë statut, me vendim të Asamblesë së Ortakëve me kërkesën e 1/2 të pjesëmarrjes në kapitalin themeltar.
- 22.2.** Shkaqet e prishjes së Shoqërisë;
- kur mbaron kohëzgjatje e parashikuar në themelimin e saj
  - me vendim të Asamblesë së Përgjithshme
  - me hapjen e procedurave të falimentimit.
  - nëse nuk ka kryer veprimtari tregtare për 2 vjet dhe nuk është njofuar pezullimi i veprimtarisë në Q.K.B
  - me Vendim Gjykate

Shoqëria nuk prishet kur njëri nga ortaket falimenton, bëhet i paaftë ose vdes.

**NENI 23**  
**LIKUIDIMI I SHOQERISE**

- 23.1.** Shoqëria hyn në procesin e likuidimit që në momentin e prishjes së saj. Për kryerjen e këtij procesi Asambleja emëron një ose disa likuidues te cilët i paraqesin asaj raportin mbi gjendjen e aktivit dhe të pasivit të shoqërisë, mbi ndjekjen e operacioneve të likuidimit dhe mbi afatin e domosdoshëm të përfundimit te tyre.
- 23.2.** Në fund të procesit të likuidimit Asambleja vendos, me shumicën e ortakeve qe zotërojnë mbi 3/4 e kapitalit themeltar, mbi bilancin përfundimtar finansiar, mbi aktin e rregullshmërisë të punës së likuiduesit dhe mbylljen e procesit te likuidimit.
- 23.3.** Pas pagimit të kreditoreve dhe shlyerjes së pjesëve të kapitalit themeltar tek kontribuesit përkatës, likuiduesi ndan kapitalet e mbeturë ndërmjet ortakeve proporcionalisht me pjesët që ata zotërojnë në kapitalin themeltar dhe njofton Q.K.B për përfundimin e likuidimit dhe kërkon çregjistrimin e Shoqërisë.

**KREU VI**  
**DISPOZITA TE FUNDIT**

**NENI 24**  
**SHNDERRIMI I SHOQERISE**

- 24.1.** Shndërrimi i shoqërisë me përgjegjësi te kufizuar në shoqëri anonime mund të kryhet me miratim unanim të ortakeve, ndërsa shndërrimi në shoqëri aksionarë, me miratimin e shumicës së ortakëve që zotërojnë mbi 1/2 e kapitalit themeltar.
- 24.2.** Marrëdhënet e brendshme ndërmjet punëtoreve dhe shoqërisë midis tyre dhe organeve te shoqërisë do të rregullohen me anën e një rregulloreje.

**NENI 25**  
**INTERPRETIMET STATUTORE**

- 25.1.** Pavlefshmëria e dispozitave të veçanta të kësaj marrëveshje nuk e prek tërësinë e saj vepruese. Në vend të dispozitave të pavlefshme ose për mbushjen e hapësirave statusorë, ortaket bien dakord për një rregullim të përshtatshëm, në përputhje me qëllimin e hartimit të këtij statuti, duke ruajtur interesat e përbashkëta.
- 25.2.** Për gjithshka jo të parashikuar në ketë statut do të respektohen normat ligjore të legjisacionit shqiptar në fuqi.
- 25.3.** Gjykate kompetente për zgjidhjen e të gjitha mosmarrëveshjeve që mund të lindin gjate ekzistencës së shoqërisë, ose gjatë periudhës së likuidimit ndërmjet ortakeve, ndërmjet shoqërisë dhe ortakeve, apo ndërmjet shoqërisë dhe të tretave, do të jetë **Gjykata e Rrethit Gjyqësor Tiranë**.
- 25.4.** Ky Statut hartohej në 3 ekzemplare origjinale, hyn në fuqi ditën e nënshkrimit nga Ortaket e Shoqërisë “WIP” SH.P.K.

**NENI 26**  
**DISPOZITAT E FUNDIT**

- 26.1.** Për te gjitha çështjet që nuk gjejnë rregullim në ketë Statut, aplikohen dispozitat e ligjit nr. 9901 dt. 14.04.2008 “Për tregtaret dhe shoqëritë tregtare”.
- 26.2.** Për efekt të interpretimit të këtij Statuti me ligj tregtar nënkuftohet ligji nr. 9901 dt. 14.04.2008 “Për tregtaret dhe shoqëritë tregtare”
- 27.3.** Pavlefshmëritë eventuale e dispozitave të veçanta te Statutit nuk mund të cenojnë vlefshmërinë në tërësi të tij.

**ORTAKET THEMELUES TE SHOQERISE “WIP” SH.P.K.**

**Z.NJ. ERISA MICKAJ**

**Z. ENDRI PAN**